

Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.522/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Malsore Gashi-Bajraktari-kryetare, Arben Mehmeti dhe Ardita Haxhnikaj Demi-anëtarë, me Çlirim Zeka-Zyrtar i Lartë për Bashkëpunim Profesional në cilësinë e procesmbajtësit, kanë shqyrtuar ankesën me numër A.nr.522/2023 të datës 17.03.2023, të parashtruar nga ankuesja

kundër organit të punësimit, Ministria e Kulturës, Rinisë dhe Sportit, në çështjen juridike "Kompensim Material", në mbështetje të nenit 6 paragrafin 1 nën paragrafin 1.1, nenit 16 paragrafi 3 dhe nenit 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 28.04.2023, mori këtë:

V E N D I M

HEDHET POSHTË si e jashtëafatshme ankesa me numër A.nr.522/2023 e datës 17.03.2023 e parashtruar nga ankuesja

A r s y e t i m

Ankuesja e punësuar në Ministrinë e Kulturës Rinisë dhe Sportit sipas Akt Emërimit të datës 07.09.2015, në pozitën "Zyrtare për Infrastrukturë Sportive" në Departamentin e Sportit, më datë 17.03.2023 ka parashtruar ankesë me numër protokoli 2757/2023 në Këshillin e Pavarur Mbikëqyrës për Shërbimin Civil të Kosovës, për njohjen e të drejtës së kompensimit të shtesës në pagë për kategori të veçanta të profesioneve deficitare në fushën e teknologjisë informativë dhe inxhinieringut, sipas Vendimit Nr.02/39 të datës 08.10.2008 të Qeverisë së Republikës së Kosovës, duke pretenduar që ti bëhet pagesa në vlerë prej 250 euro, në mënyrë retroaktive nga data e fillimit të kontratës së ankuseses.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 06.04.2023 me numër protokoli 3370/2023

ka dërguar kërkesën për përgjigje në ankesë tek Ministria për Kulturë Rini dhe Sport, ndërsa Këshilli më datë 25.04.2023, me numër protokollit 3800/2023, ka pranuar përgjigje në ankesë nga Ministria për Kulturë Rini dhe Sport me shkresat e bashkangjitura.

Kolegji për Shqyrtimin dhe Vendosjen e Ankesave ka administruar këto prova: Ankesën me numër të protokollit 2757/2023 të datës 17.03.2023 të parashtruar nga ankuesja në Këshillin e Pavarur Mbikëqyrës për Shërbim Civil të Kosovës; Kërkesë për përgjigje në ankesë me numër protokollit 3370/2023 i datës 06.04.2023; Kërkesën e ankueses me numër protokollit 5961/2020 e datës 29.09.2020; Kërkesën e ankueses me numër protokollit 782/2018 e datës 21.06.2018; Përshkrimi i detyrave të punës i datës 15.10.2015; Vendimin me numër Nr.02/39 të Qeverisë së Republikës së Kosovës të datës 08.10.2008; Lista dhe titujt e punonjësve që do të jenë përfitues të masave stimuluese duke përfshirë edhe shumën për këto pozita; Përgjigje në ankesë me numër protokollit 3800/2023 i datës 25.04.2023; Akt Emërim i A.B.R. i datës 07.09.2015; Përshkrimi i detyrave të punës i datës 26.03.2013; Lista e pagave për muajin Janar, Shkurt dhe Mars 2023; Vendimin e Qeverisë së Republikës së Kosovës të datës 31.07.2008;

Kolegji për Shqyrtimin dhe Vendosjen e Ankesave, ka shqyrtuar të gjitha shkresat e bashkangjitura në lëndë, të dërguara nga palët në procedurë, dhe ka konstatuar se ankesa e ankueses, është e *jashtëafatshme, sepse:*

Nga administrimi i provave materiale Kolegji ka gjetur se ankuesja në bazë të Akt Emërimit të datës 07.09.2015 është e punësuar në pozitën "*Zyrtare për Infrastrukturë Sportive*" në Departamentin e Sportit në Ministrinë e Kulturës, Rinisë dhe Sportit.

Tutje sipas shkresave të lëndës, Kolegji për Shqyrtimin dhe Vendosjen e Ankesave, ka konstatuar se ankuesja fillimisht më datë 21.06.2018 kishte parashtruar kërkesë me numër protokollit 782/2018, tek Sekretari i Përgjithshëm lidhur me njohjen e të drejtës së kompensimit të shtesës në pagë për kategori të veçanta të profesioneve deficitare në fushën e teknologjisë informativë dhe inxhinieringut, sipas Vendimit Nr.02/39 të datës 08.10.2008 të Qeverisë së Republikës së Kosovës, duke pretenduar që ti bëhet pagesa në vlerë prej 250 euro, në mënyrë retroaktive nga data e fillimit të kontratës së ankueses, mirëpo ankueses nuk iu ishte realizuar kërkesa e saj, ndërsa nga shkresat e lëndës konstatohet se e njëjta nuk ka ndërmarrë asnjë hap procedural ankimor sikurse përcaktohej me dispozitat e ligjit material. Po ashtu, Kolegji për shqyrtimin dhe vendosjen e ankesave, në bazë të shkresave të lëndës ka konstatuar se ankuesja me datë 29.09.2020 ka përsëritur kërkesën e saj me numër protokollit 3961/2020 tek Sekretari i Përgjithshëm lidhur me të njëjtin pretendim gjegjësisht për kompensimin e shtesës në pagë për kategori të veçanta të profesioneve deficitare në fushën e teknologjisë informativë dhe inxhinieringut, sipas Vendimit Nr.02/39 të datës 08.10.2008 të Qeverisë së Republikës së Kosovës, në vlerë prej 250 euro, në mënyrë retroaktive nga data e fillimit të kontratës së ankueses.

Ndërsa organi i punësimit Sekretari i Përgjithshëm pranë Ministrisë së Kulturës, Rinisë dhe Sportit nuk i ka kthyer përgjigje dhe nuk e ka realizuar kompensimin e shtesës në pagë për kategori të veçanta të profesioneve deficitare në fushën e teknologjisë informativë dhe

inxhinieringut, sipas Vendimit Nr.02/39 të datës 08.10.2008 të Qeverisë së Republikës së Kosovës.

Ankuesja e pa kënaqur me mos përgjigjen dhe mos realizimin e kompensimit të shtesës në page për kategori të veçanta të profesioneve deficitare në fushën e teknologjisë informativë dhe inxhinieringut, sipas Vendimit Nr.02/39 të datës 08.10.2008 të Qeverisë së Republikës së Kosovës me datë 17.03.2023 parashtron ankesë me numër të protokollit 2757/2023 në Këshillin e Pavarur Mbikëqyrës për Shërbimin Civil të Kosovës me pretendim ankimor për kompensimin e shtesës në page për kategori të veçanta të profesioneve deficitare në fushën e teknologjisë informativë dhe inxhinieringut, sipas Vendimit Nr.02/39 të datës 08.10.2008 të Qeverisë së Republikës së Kosovës, në vlerë prej 250 euro, në mënyrë retroaktive nga data e fillimit të kontratës së ankueses.

Kolegji për Shqyrtimin e Ankesave, bazuar në nenin 24 paragrafi 3 të Ligjit Nr.06/L-114 për Zyrarët Publikë, ka konstatuar se nëpunësi civil ka të drejtë të paraqesë ankesë drejtpërdrejt në Këshillin e Pavarur Mbikëqyrës për Shërbimin Civil për çdo veprim apo mosveprim, që i cenon të drejtat apo interesat e ligjshme, të drejta këto, që burojnë nga marrëdhënia e Shërbimit Civil, ndërsa Ligji Nr.05/L-031 për Procedurën e Përgjithshme Administrative neni 127 përcakton se: *"1. Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ; 4. „ Ankesa kundrejt heshtjes administrative mund të parashtrohet jo më herët se shtatë (7) ditë dhe jo më vonë se dy (2) muaj pas skadimit të afatit për njoftimin e aktit administrativ"*

Kolegji për shqyrtimin e ankesave në bazë të dëshmive të ofruara ka konstatuar se ankuesja lidhur me mospërgjigjen në dy kërkesat e saj të datës 21.06.2018 dhe 29.09.2020 lidhur me kompensimin e shtesës në pagë për kategori të veçanta të profesioneve deficitare në fushën e teknologjisë informativë dhe inxhinieringut nga Sekretari i Përgjithshëm pranë Ministrisë së Kulturës, Rinisë dhe Sportit, me datën 17.03.2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, andaj Kolegji i Këshillit vlerëson se parashtrimi i ankesës nga ankuesja me datë 17.03.2023 në Këshillin e Pavarur Mbikëqyrës për Shërbimin Civil të Kosovës, është jashtë afatit ligjor të përcaktuar me nenin 127 paragrafin 1 dhe 4 të Ligjit Nr.05/L-031 për Procedurën e Përgjithshme Administrative i cili përcakton se: 1. *"Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ"* si dhe 4. *"Ankesa kundrejt heshtjes administrative mund të parashtrohet jo më herët se shtatë (7) ditë dhe jo më vonë se dy (2) muaj pas skadimit të afatit për njoftimin e aktit administrativ"*. Kolegji për shqyrtimin e ankesave, ka vlerësuar se ankuesja

nuk e ka shfrytëzuar të drejtën e ankimit respektivisht që nga viti 2018 gjegjësisht 2020 nuk ka ndërmarrë asnjë veprim procedural ankimor deri në ankesën e datës 17.03.2023 të parashtruar në Këshillin e Pavarur Mbikëqyrës për Shërbimin Civil të Kosovës, dhe si e tillë ankesa është jashtë afatit ligjor.

Bazuar në këto rrethana, Kolegji për Shqyrtimin dhe Vendosijen e Ankesave, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit dhe


nenin 18 paragrafin 1 nën paragrafin 1.7 të Ligjit Nr.06/L-048 për Këshillin e Pavarur Mbiqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

KËSHILLI I PAVARUR MBIQYRËS PËR SHËRBIMIN CIVIL TË KOSOVËS
Lënda me numër A.nr.522/2023

Çlirim Zeka


Procesmbajtës

Malsore GASHI BAJRAKTARI


Kryetare e Kolegjit

Vendimi i dorëzohet:

- Ankueses
- Sekretarit të Përgjithshëm në Ministrinë e Kulturës, Rinisë dhe Sportit;
- Udhëheqësit të Personelit në Ministrinë e Kulturës, Rinisë dhe Sportit, dhe
- Arkivit të KPMSHCK-së.